

BIBLIOTEKA
Zakł. Nar. im. Ossolińskich

XVII

551

The image shows the front cover of an old book. The cover is decorated with a marbled paper pattern, specifically a 'stone' or 'shell' pattern, featuring swirling, organic shapes in shades of brown, tan, and cream. A dark, textured spine is visible on the left side. In the upper left corner, there is a small, rectangular, off-white paper label with a black border. The label contains the text 'BIBLIOTEKA' and 'Zakł. Nar. im. Ossolińskich' in a serif font. Below this, the Roman numeral 'XVII' and the number '551' are printed, indicating the book's location in a library collection.

5453.

Amelia May



ILLVSTRISSIMO ET REVE-
RENDISSIMO DOMINO

18
88
D. BERNARDO
MACIEIOWSKI, S.R.E.
CARDINALI, EPISCOPO
CRACOVIEŃ: DVCI SEVERIEŃ:
&c. &c. Domino colen-
dissimo.

Carmen Gratulatorium.

GASPAR OBORSKI St. Almæ Acad. CracovieŃ
officiosè offert.



CRACOVIE,
Anno Domini 1604.

IN INSIGNIA
Ill^{mi} & Reuer^{mi} Cardinalis Dñi,
D. Bernardi Maciciowski, Dei Gratia Episcopi
Cracouiē, Ducis Seueriē, &c. &c.



Cui non audita est vis admiranda Milonis?

Portauisse humeris dicitur ille bouem.

Cui non audita est Præsul tua maxima virtus?

Qui pariter defers ceu tulit ille bouem.

Fortis es ô Macicioui nec fortior vnquam

Esse, sed ipso te fortior esse potes.

XVII-551-III

ILL^{MO} ET REVEREN^{MO}

DOMINO D. BERNARDO MACIE
IOWSKI, S. R. E. CARDINALI, EPISCOPO CRAC:

*Duci Scuerien. etc. etc. Domino colen-
dissimo.*



I quenquam nitidis virtus sic euehat alis,
Et faciat summo splendida stare loco,
Vt nec principiū generoso à sanguine du-
Nec iactet fortes, dinumeretq; viros, (cat,
Qui vel consilio patriam iuuère, vel armis,
Vel bene pro patriis occubuère focis;
Sed sua cum pulchris exornet condita factis,
Vitaq; magnificis æquiparanda viris.
Qualiter Arpinas ortu non notus vterq;
Attamen est factis notus vterq; suis,
Ambit inauratis illum vaga gloria pennis,
Multum inde & laudis; multū & honoris habet.
Nec paruum est, si quis maiorum gesta suorum
Iactet, & innumeris laudibus vsque ferat,
Ab Ioue principium generis deducat, & ortum,
Nobilis vnde, licet nil superaddet, erit.
Scilicet est aliquid magnis natalibus ortum
Esse, retroq; suum posse referre genus,

Et res maiorum, vel belli tempore gestas,
Tempore vel placidæ commemorare togæ.
At si quis magnos proauorum ornauerit aulus,
Multum de factis addideritq; suis
Hic vir hic est, ornat quem non modo fulgida gētis
Gloria, & illustris splendida facta domus.
Hanc MACIEIOVI laudem venaris & amplo
Stemmata contentus non cupis esse tuo,
Et genus, & proauos, & quæ non feceris ipse,
Censeri verè non tua posse putas,
Sic virtutis enim flagras bone Præsul amore
Æstuat accensis qualiter Ætna rogis.
Esse potest quis te melior vel amantior æqui,
Qua patet Arctoæ Sarmatis ora plagæ.
Quis procures inter talis, sanctumq; Senatum,
In quo sit tantus religionis amor?
Quam multum viduis tribuit tua dextera egenis,
Pauperibus magnas quamq; refundis opes?
Das citius nec te multum cupis esse rogatum,
Dextera præuenit sapius ista preces.
Si tibi diuitias Cræsi fortuna dedisset,
Quodq; metalliferis deuehit Hermus aquis,
Et quidquid Ganges, aut Medus voluit Hydaspes,
Purpureis auro diues vterque vadis.
Id dispensares æqua pater optime lauce
Conspicuos inter religione patres

Inter

Inter & astantes sacrați ad limina templi,
Et quos pauperies indiga torquet opum.
Dij faciant tellus multo fecunda labore
Augeat ut census, multiplicetq; tuos.
Æst tibi terra parens, multumq; perrenniter aurum
Proferat & largo fundat utrumq; sinu,
Dignus es Attalicis & quas fert Persia Gazis
Dignus es aurito ditior esse Mida.
Quid referam mores te tali Præsule dignos,
Inclusamq; animo nobiliore fidem?
Quid candorem animi, quid inania pectora fraudis;
Pectora Sythonia candidiora niue.
Adde quod inflato non sunt tua pectora fastu
Turgida, fortunæ nec tumefacta bonis.
Cynthia sidereos quantum supereminet ignes
Germanam quantum Cynthia ipse suam:
Tantum mitra caput quorum sacrata coercet,
Et quibus est Domini pascere cura greges,
Concedunt BERNARDE tuis vir maxime factis
Vir præstans animi nobilitate tui.
Tu sæpè externas à principe missus ad oras
Cui paret Getico terra sub axe iacens,
Tot proprio legati obiisti munia censu
O Præsul patriæ ductus amore tuæ,
O pietas nostris penè intermortua seclis
Curaq; pro patriis euigilata focis.

Eheu quam pauci communia commoda currant,
Pauci per proprias demereantur opes?
Quisq; sibi nempe est isto studiosior æuo,
Publica nec propriis anteferenda putat.
Quam diuersa tuis constat sententia factis,
Pro patria patriis largiter vſe bonis.
Emeritus tandem pro religione laboras,
Excubiasq; tuo pro grege paſtor agis.
Imperii moles grauis eſt & maxima ſacri
Indiget Herculeis viribus iſtud onus.
Vt fatear verum officiꝝ molimina tanti,
Nemo te melius commodiusq; regit.
Hic vbi ſublimi tollit ſe mole Vauelli
Regia Sismundi nobile Regis opus,
Capisti ſacras quando bone paſtor habenas,
Iam quater Icario terra ſub igne calet.
Heu qui tum plauſus qui tum fremuere tumultus,
Omnes læticiæ ſigna dedere ſuæ,
Quaq; ieras ingens confluxerat vndiq; turba,
Turbat tibi lætos ritè precata dies.
Æra dedere ſonos, & non audiſſe loquentem,
Inque vicem aſtanti verba dediſſe fuit.
Talis erat ſtrepitus, rigidi in certamine Martis,
Alta perit qualis bellicus aſtra fragor.
Sic pariter populo, pariter plaudente Senatu,
Læticiamq; animi teſtificante ſui,

Ibat

Ibat inaurata Penēide tempora vinctus,
Roma triumphatrix quo duce sæpè fuit,
Quo duce placatis fulsit pax aurea terris,
Imperio nunquam pax magis vña suo.
En iam maturos rursus spectamus honores,
Læticiæ debet nullus adesse modus,
Purpureo incedit decoratus murice Præsul,
Defluit ad summos palla cruenta pedes.
Cardinei Præsul decus immortale Galeri,
Hic tibi delatus quam bene seruit honos,
Tu quoniam primis fera bella secutus ab annis.
(Atque equidem decuit te fera bella sequi)
Promptus eras auido laudis procumbere fato,
Et bene pro Patria vir generose mori,
Nam tanto magnæ latuère in corpore vires,
Quiq; modo est animus corpore maior erat.
Credibile est forti te non cessisse Miloni,
In proprio quando flore iuuenta fuit.
Credibile est fortem tibi concessisse Milonem:
Dum litui; dum te detinuère tubæ.
Fortibus ille fuit, portentosisq; lacertis,
Viribus ille fuit par tibi, mente minor,
Fundere purpureum pro relligione cruorem,
Hoc etiam tectus murice promptus eris,
Hoc sibi coccineo saturatas murice vestes,
Quod bene scis Præsul maxime, velle scias.

Dij tibi

Dij tibi sint faciles & sint in honore secundi
Eueniant votis omina fausta tuis
Decurrat placidas felix tua cymba per vndas,
Deuehat antennas aura secunda tuas.
Omnes suspiciunt te, demirantur amantiq;
Et cupiunt vitæ tempora longa tuæ.
Atque vtinam pro te communia vota valerent,
Et possent superos illa mouere Deos.
Dignus es Euboici transcendere pulueris annos,
Terque æuo functi sæcula longa senis,
At cum Nestoreos meritis superaueris annos;
Nestoreos detur viuere posse dies.
Tum demum humanis flecti Dea nescia votis,
Dirumpat fatis debita pensa tuis.



8107
17



18258

8107
14

